

Te marau ā-kura mā roto mai i te ariā ‘Hūmārie’.

Ka rere tonu ngā kupu poroāki ki te tuawahine, ki a Maria Tibble, me ngā mihi ki tāna i koha mai ki a tātou i tēnei ariā e kīia nei ko ‘Hūmārie’.

Mēnā e hiahia ana koutou ko tō kura kia hāpaitia tō koutou marau ā-kura me ngā kōrero ā-iwi, tēnā whakaarohipia ēnei kōrero e whai ake nei hei ārahi i ngā mahi rānei, hei whakaū i ngā mahi kua tutuki kē rānei.

H

Hūmārie

Kia mārire tō whakarongo atu ki te reo o te whānau, o ngā kaumātua, o ngā kuia me ngā ākonga anō hoki.



Ū

Ūkaipō

E hoki ki te ūkaipō, ki te takinga mai o ngā waiata, ngā kōrero, ngā whenua nui whakahirahira, ngā marae, ngā maunga me ngā wai.



M

Mōhio

Tēnā mātaihia te takiwā kia kite te iwi, te wāhi, ngā tuhituhinga, me ngā kōrero. Ā, me mōhio ki te marau.



Ā

Aroha


Ringa rehe mai, ringarapa atu, tukuna ō mōhiotanga hei hāpai i te whakatinanatanga o ngā wawata o te ako i te kura.



R

Reo

Kia pai ai te whakaahuatia o te reo me rere te reo ā-tinana, ā-wairua, ā-waha, ā-rongo, reo ā-ngakau, reo ā-iwi anō hoki.



I

Iwi

“Ko te iwi te kura”

– He kōrero nā Te Whānau a Apanui i koha mai e Nahu Gage, 2012



E

‘Ehara taku toa i te toa takitahi, engari he toa takitini’

Mā te mahi tahi e tutuki ai.

